

(“Službeni glasnik Brčko Distrikta Bosne i Hercegovine” br. 14/07)

Na osnovu člana 22 Statuta Brčko distrikta Bosne i Hercegovine («Službeni glasnik Brčko distrikta BiH», brojevi 1/00, 4/00, 7/04, 20/05, 24/05 i 3/07), Skupština Brčko distrikta BiH na 6. vanrednoj sjednici održanoj 5. maja 2007. godine, donijela je

ZAKON O IZMJENAMA I DOPUNAMA ZAKONA O KRIVIČNOM POSTUPKU BRČKO DISTRIKTA BOSNE I HERCEGOVINE

Član 1 (Izmjena i dopuna člana 135)

(1) U Zakonu o krivičnom postupku Brčko Distrikta Bosne i Hercegovine (“Službeni glasnik Brčko Distrikta Bosne i Hercegovine”, br. 10/03, 48/04 i 6/05; u daljem tekstu: Zakon), u članu 135 (*Trajanje pritvora u istrazi*), iza stava (3) dodaje se novi stav (4), koji glasi:

“(4) Izuzetno i u izrazito složenom predmetu vezano za krivično djelo za koje je propisana kazna dugotrajnog zatvora, pritvor se može ponovo produžiti za još najviše tri (3) mjeseca nakon produžetka pritvora iz stava 3 ovog člana. Pritvor se može produžiti dva puta uzastopno, po obrazloženom prijedlogu tužioca za svako produženje, koji treba da sadrži izjavu tužioca o potrebnim mjerama da bi se istraga okončala (član 225 stav 3). Apelacioni sud odlučuje o žalbi protiv rješenja o produžetku pritvora. Žalba ne zadržava izvršenje rješenja.”

(2) U dosadašnjem stavu (4) člana 135 Zakona, koji postaje stav (5), riječi “stavova od 1 do 3” zamjenjuju se riječima “stavova od 1 do 4”.

Član 2 (Izmjena i dopuna člana 137)

(1) Stav (2) člana 137 (*Pritvor nakon potvrđivanja optužnice*) Zakona mijenja se i glasi:

“Nakon potvrđivanja optužnice i prije izricanja prvostepene presude, pritvor može trajati najduže:

- a) jednu godinu u slučaju krivičnog djela za koje je propisana kazna zatvora do pet godina;
- b) jednu godinu i šest mjeseci u slučaju krivičnog djela za koje je propisana kazna zatvora do deset godina;
- c) dvije godine u slučaju krivičnog djela za koje je propisana kazna zatvora preko deset godina, ali ne i kazna dugotrajnog zatvora;
- d) tri godine u slučaju krivičnog djela za koje je propisana kazna dugotrajnog zatvora.

(2) Iza stava (2) člana 137 Zakona dodaje se novi stav (3), koji glasi:

“(3) Ako za vrijeme iz stava 2 ovog člana ne bude izrečena prvostepena presuda, pritvor će se ukinuti i optuženi pustiti na slobodu.”

(3) U dosadašnjem stavu (3) člana 137 Zakona, koji postaje stav (4), prva i treća rečenica, riječi “šest (6) mjeseci” zamjenjuju se riječima “devet (9) mjeseci”.

(4) Dosadašnji stav (4) člana 137 Zakona postaje stav (5).

Član 3
(Izmjena i dopuna člana 138)

U stavu (3) člana 138 (*Određivanje pritvora nakon izricanja presude*) Zakona, riječi “pravosnažnosti presude” zamjenjuju se riječima “upućivanja osobe na izdržavanje kazne”, a riječi “u prvostepenoj presudi” zamjenjuju se riječima “u pravosnažnoj presudi”.

Član 4
(Izmjena i dopuna člana 287)

U članu 287 (*Pritvor nakon izricanja presude*) Zakona, riječi “do njene pravosnažnosti” brišu se.

Član 5
(Primjena ovog zakona)

Ovaj zakon se primjenjuje na sve predmete u kojima pravosnažna presuda nije donesena prije dana stupanja na snagu ovog zakona.

Član 6
(Stupanje na snagu ovog zakona)

Ovaj zakon stupa na snagu narednog dana od dana objavljivanja u “Službenom glasniku Brčko Distrikta Bosne i Hercegovine”.

Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
СКУПШТИНА БРЧКО ДИСТРИКТА

Bosna i Hercegovina
BRČKO DISTRIKT
BOSNE I HERCEGOVINE
SKUPŠTINA BRČKO DISTRIKTA

Broj, 0-02-022-52/07
Brčko, 5. maja 2007. godine

PREDSJEDNIK
SKUPŠTINE BRČKO DISTRIKTA BiH
Prof. dr Milan Tomić, s.r.